

**GURE UDALEKUA DAUKAGU FRIASEN  
HONELAKORIK EZ DA ERROMAN  
EZ ETA PARISEN**

**1**

Goian zeru ederra  
gau ta egun urdin,  
hemendik zeru hori  
ez dago hain urrin.  
Egunez eguzkia  
beroago ezin,  
gaueko izarpean  
zer poz ta atsegin!

**2**

*Alkartasuna* dauka  
izena jarria,  
alkartasunerako  
kabi pozgarria.  
Alkar ezagutzea  
dala oinarria,  
alkar behar dogu ta  
ondo etorria!

**3**

Udalekuan bada  
jan eta edari,  
jolas ta umoria  
danetik ugari.  
Txori, xagu ta koko  
salto ta kantari,  
ondo bizi nahi badok  
honuntz etor hadi!

**4**

Udalekuan gagoz  
jentil ta judio,  
andr. gizon ta praile  
hau da ebanjelio.  
Silbestra ta Jesusa,  
baita Gregorio,  
Txingili ta mingili  
din-daun Eulojio.

**5**

Txirtxir, txori ta sagu  
doguz bezeruak,  
egun argitan danok  
gara aingeruak.  
Gaua ezkeru datoz  
beste jeneruak:  
Jo ta ke gabiltz ta  
betoz bonberuak!

**6**

Bgoña bi daukaguz  
guztion pozgarri,  
Rafael eta Pilar  
alkarren buztarri.  
Marije ta Kristina  
ez gose, ez egarri...  
Mila eta Jeroni  
zirrika alkarri.

**7**

Maria Anjeles uretan,  
kartetan Andresa,  
Karmen gizona zaintzen  
ez da gauz erreza.  
Jaunak, hau da kuadrila  
jolas, jan te erreza;  
Aita Martzelek dauka  
komando aldrebesa.

**8**

Gaztetxo bi daukaguz  
Yasone, Itxaso,  
zaharren artian pozik  
zenbat kontu jaso!  
Andra, gizon haundiak  
eginik pailaso;  
Nun komedi hoberik?  
Zirkuan akaso.

**9**

Kuadrilan sartu jakuz  
Rebeka ta Patxi,  
leku onak badira  
Frias lako gitxi.  
Zer dok jentemodu hau  
txotxo eta txitxi?  
Honuntz etorri danak  
hau ezin dau itxi!

**10**

Begoña Jaio dogu  
azken etorrita,  
badau bidelagun bat  
Berrizko Benita.  
Serapiña erdian  
halako artista,  
eltxoak uxatzeko  
orkesta polita.

**11**

Elorrioko Kristi

ez da ibili motx,  
bete-bete eginda  
gero zelan ein kox?  
Tararin-tararin jo  
azken batean txox;  
holako medikurik  
ez dago, kaguen xotx.

**12**

Begoña ta Juani  
badatoz honuntza,  
ondo dakie Frias  
ez dala hazur hutsa.  
Espiritua biztu  
ta poztu gorputza,  
hementxe gizentzen da  
San Pedroren ahuntza.

**13**

Komandoko jentea  
edadez maiorra,  
baina oindino dauka  
sendoa motorra.  
Baba gorria janda  
nok hezi zekorra?  
Etxe osoa dardar  
hauxe nekelorra!

**14**

Gure bizimodua  
hor garbi esanda:  
danok hobeto gabiltz  
ume lez izanda.  
Goiz ta gauez otoitza  
meza bat emanda,  
Friasen hartzen dogu  
zerurako txanda.

**15**

Eztul, zintz eta uzker  
dana da lizentzi,  
hemengo jan-edanak  
hauxe dau erentzi.  
Gauean zurrutzadak  
bakez kontzientzi;  
jakin nahi badok zer dan  
eik esperientzi. **Martzel**